

## ■ SURSELVA



La suprastonza dall'Uniun Pro Sasolas-Plitschès: Hubert Lehner, Peter Bosshard, Christ Johann Collenberg (president), Wolfgang Kuoni e Lorenz Alig (da sen.). Silla foto maunca Sebastian Zimmermann.

FOTO AUGUSTIN BEELI

## Per in runal, per in territori

(fmr/abc) In augment considerabel da commembers novs ha l'Uniun Pro Sasolas-Plitschès saviu registrar enteifer in onn. Las concessiuns dils dus implonts decisivs scrodan en dus respectiv quater onns. L'uniun, fundada il schaner 2004, vul nuot auter che mantener ils dus runals ella flanca nordost dil Péz Mundaun. Tenor ils statuts eis ei dus implonts che s'audan tier la purschida cumplexsiva dil territori da skis entuorn il Mun-

daun. Igl onn vargau eis ella s'engaschada cun in pulit success: 93 commembers novs ein entrai ell'uniun. La concessiun Sasolas-Plitschès digl uffeci cantunal scroda il 2022, quella dil runal Cuolm Sura-Plitschès il 2024. En quella caussa ha la suprastonza da Pro Sasolas-Plitschès giu questa primavera contacts empermettents culla possessura digl implont.

➤ PAGINA 3



# Finamira resta: Tener ils dus runals

17avla radunonza generala dall'Uniu Pro Sasolas-Plitschès

DAD AUGUSTIN BEEU/FMR

■ In augment considerabel da commembers novs ha l'uniun astgau registrar enteifer in onn. Finamira da quella eis ei mantener a liunga vesta ils dus runals ella costa nordost dil Pèz Mundaun. Las concessiuns scrodan en dus respectiv quater onns. La stad currenta 2020 füssi ei stau previu da schar far in'expertisa tecnica pil runal da Sasolas. Gliez seigi la basa per prolungir la concessiun: Aschia ha *Christa Johann Collenberg* circumscret la situaziun da partenza. L'Uniu Pro Sasolas-Plitschès, fundada il schaner 2004, vul nuot auter che mantener ils dus runals ella flanca dil Pèz Mundaun. Tenor ils statuts dall'uniun eis ei dus implonts che s'audan tier la purschida complessiva dil territori da skis entuorn il Mundaun. L'uniun s'engascha cuntinuadamein cun render attent sur igl entir onn alla finamira, e cun tener il bien contact culla proprietaria dils implonts. Igl onn vargau ha ella fatg quei cun in pulit success: 93 commembers novs ein entrat, igl ei persunas che gidan a purtar las finamiras all'Uniu Pro Sasolas-Plitschès.

## Buca mo in niev motor

Avon in onn haveva la suprastonza informau ch'ina gruppa independenta vegli realisar la veglia visun d'in niev access al Pèz Mundaun directamein naven da Glion. L'Uniu Pro Sasolas-Plitschès beneventi quell'iniziativa. Entochen ch'ins realiseschi effectivamein in project cun ina teleferica nova sappien ins far nuot auter che s'engaschar pils implonts existents. Il runal che meina naven da Sasolas encunter Plitschès ei sils onns e duvras ina renovaziun. La concessiun d'igl uffici cantunal scroda il 2022, pia en dus onns. En quella causa ha la suprastonza da Pro Sasolas-Plitschès giu questa primavera in contact empermettent culla

possessura d'igl implont. L'uniun dueigi sviluppar concepts e mesiras che garanteschin da mantener omisdus runals. La Pendicularas Pèz Mundaun SA e la suprastonza seigien secunvegnidas da schar far in'expertisa pil runal da Sasolas. «Pil mument maunca denton la basa da cooperar», ha il president Collenberg declarat alla radunonza generala. Ei maunca denton buca la fidonza e la buna collaboraziun, mobein ils fatgs che garanteschan da prolungir la concessiun.

La possessura vegli buca sempelmein investir daners en in niev motor, quei che custass tochen 80'000 francs. Cuntegna quei seigi buca fatg. Per schar far in'expertisa fundada pil runal da Sasolas hagi l'uniun perinagada memia pauc enta maun. Bia dapli ei buca resortiu dalla 17avla radunonza generala. Collenberg ha menau quella per l'emprema gada. Igl onn vargau haveva la radunonza eligi el sco successur da *Kevin Brunold*. Let fuva entaus igl avrel 2019 en sù post sco meingestiuon dalla Surselva Turissem SA. En quella posiziun ei ina midada da presidi stada indicada.

Sper las tractandas usitadas ha la radunonza conclusiu d'adattar il cuoz d'igl onn da gestiuon. Da niev correspunda quel agl onn calendari, ei vegn buca pli serrau giu sils 30 da zercladur, mobein

sils 31 da december. Quei duess esser d'avantag pil contact culs commembers. Cun organisar la radunonza generala il mars enstagl igl uost sappien ins quintar cun ina megliera participaziun. Ils biars commembers ein hosps d'unviern – era indigens – ch'appriezieschan las pistas entuorn ils dus runals. Per la scola da skis a Cuolm Sura ei il runal da Plitschès schizun existenzial. La concessiun da gliez implont vala aunc tochen 2024.

Cun ina strategia d'attenziun, cun plidentar ils skiunzs e render attent all'impurtonza turistica dils runals vul l'uniun restar activa era ils proxims

tschun onns. Igl augment considerabel da commembers igl onn vargau dat curascha. Ins vul era tgirar il bien contact culla Pendicularas Sursaisa Mundaun SA. La Pro Sasolas-Plitschès rimna e dat vinavon a quella impuls ch'ella retscheiva, ella sustegn cunquai la qualitat dil territori da skis. Signalisaziuns ed ina comunicaziun efficienta cun hosps e skiunzs s'audan leutier. Suenter la radunonza generala dell'ustria Cuolm Sura ha la suprastonza envidau ils presents ad in aperitiv. La sera da stad ha envidau da star pacific silla terrassa – conform allas mesiras da corona – e discuter e tgirar ils contacts.



Ella costa nordost dil Pèz Mundaun ei il runal Sasolas-Plitschès. La concessiun scroda il 2022.

FOTO AUGUSTIN BEEU